
Fra: Marit Nedreli
Sendt: mandag 13. november 2017 10.04
Til: andreas.tveiten@byggmestersolberg.no
Kopi: 'Annette-Lindahl.Raakil@kmd.dep.no'
Emne: 17/22843 152/3 - Bruvik - gjeld oppføring av tilbygg til eksisterande einebustad - dykkar referanse: 17/16094-4
Vedlegg: 1523 - Bruvik - gjeld oppføring av tilbygg til eksisterande einebustad - d ((1).pdf; 1523 - Bruvik - Søknad om dispensasjon - oppføring av tilbygg - m...(246058).pdf; 1523 - Bruvik - Søknad om dispensasjon - oppføring av tilbygg (22...(246059).pdf; Kommunen si samordningsplikt i plan- og bygningslova § 21-5 og kr...(246060).pdf; S_40902.pdf(339865) (229463)(246061).pdf; 171742-3 Departementet svarar på førespurnad (226049) (229466)(246062).pdf; Departementet svarar på førespurnad om kommunen si samordningspli...(246063).pdf

Hei

Statens vegvesen ringde til Osterøy kommune i dag.

Dei synte til e-post frå Osterøy kommune 09.11.2017, sjå vedlegg.

Statens vegvesen informerte om at dei ikkje kjem til å handsame motteken søknad, fordi dei har uttalt seg i saka, og i kommunen sitt vedtak står det at det skal sendast inn nye teikningar, og difor må det sendast ny søknad til Statens vegvesen før dei handsamar saka.

Kommunen synte til vedtak i plan- og kommunalteknisk utval 22.06.2017 saksnr. 082/17, der kommunen har gjeve dispensasjon frå arealdelen i kommuneplanen, og at tilhøvet til kommuneplanen dermed er avklart og at søknaden etter veglova difor kan handsamast.

Statens vegvesen synte til at kommunen skal gjere vedtak i saka før dei handsamar saka.

Kommunen synte til at kommunen har avklart saka etter arealdelen i kommuneplanen og at saka dermed er klar for handsaming etter veglova.

Statens vegvesen sa at det ikkje er nok, dei skal ha ny søknad med nye teikningar, for dei skal ha dei teikningane kommunen har godkjent før dei handsamar saka.

Kommunen synte til at den arkitektoniske utforminga på tiltaket ikkje er knytt til Statens vegvesen si handsaming i saka, og at handsaminga etter veglova gjeld dispensasjon frå veglova § 29, dvs. minsteavstand til veg.

Statens vegvesen endra ikkje standpunkt i samtalen.

Kommunen sa at det skal sendast informasjon til ansvarleg søker om Statens vegvesen si handsaming av saka.

Med venleg helsing

Marit Nedreli
Rådgjevar



T / 56 19 21 00

E / post@osteroy.kommune.no

E / Marit.Nedreli@osteroy.kommune.no

W / www.osteroy.kommune.no

[Sjå vår brosjyre](#)

Osterøy kommune – Rådhuset - Hatland - 5282 Lonevåg - Org. nr.: 864 338 712